


U ponedjeljak presuda Jurišiću



Jurišić: Nada se pravdi



Vukčević: Spaljani ugovor

Pravdanje NATO bombama?!

Malovićeva i Vukčević dostavili pismo u kojem se navodi da "postoji sporazum između BiH i Jugoslavije o mirnom povlačenju JNA, no da je uništen tokom NATO-ovog bombardovanja Srbije"

Sudsko vijeće beogradskog Apelacionog suda u ponedjeljak će donijeti odluku po žalbama odbrane i Tužilaštva za ratne zločine na prvostepenu presudu Iliji Jurišiću (67) iz Tuzle, osuđenom na dvanaset godina zatvora zbog komandne odgovornosti za stradanje vojnika JNA u bici koja se 15. maja 1992. godine dogodila na Brčanskoj Malti u Tuzli, a u kojoj su pripadnici rezervnog policijskog sastava i Teritorijalne odbrane odbranili grad od paravojnih srpskih formacija i ostataka JNA.

Sudija Siniša Važić presudu će pročitati u deset sati, čime će biti okončani procesi protiv Jurišića pred srbijanskim pravosuđem.

Ukinuti presudu

- Tužilac Milan Petrović je zatražio da se Jurišić osudi na zatvorsku kaznu veću od 12 godina, dok je odbrana, sa advokatima Stevanom Protićem i Đorđem Dozetom na čelu, zatražila puštanje na slobodu, prenio nam je Sinan Alić, predsjednik Fondacije "Istina, pravda, pomirenje" koji vrši monitoring suđenja.

Nekoliko minuta prije završnih riječi u sudnici se vodio pravi rat riječima. Tužilac Petrović naveo je da nijedan od 13 svjedoka izvedenih na tri ročišta održana u septembru nema kredibilitet da govori o Brčanskoj Malti, te da se njihovi iskazi ne mogu uzeti kao valjani. U isto vrijeme, izrevoltiran, advokat Dozet je prekinuo tužiocu, tvrdeći da "za njega samo Mile Dubajić (zapovjednik JNA snaga koje su se povlačile iz Tuzle, op. a.) ima kredibilitet, iako je jasno da ne zna ni koliko je vojnika imao u koloni"?!
- Na osnovu svega realno je očekivati oslobađajuću presudu Iliji Jurišiću. Sve na to upućuje i mi smo veliki optimisti, posebno advokati, zaključuje i ujedno se nada Sinan Alić, koji je u protekle tri godine pratio sva ročišta održana u Beogradu.

Obračun pravnik nastavljen je i nakon što je sudsko vijeće prihvatilo dokaze odbrane prikupljene uz pomoć advokatskog tima Ejupa Ganića, nekadašnjeg člana državnog Predsjedništva BiH, koji je nedavno u Londonu uhapšen po srbijanskoj potjernici, a potom pušten na

Nisam kriv!

Na kraju jučerašnjeg ročišta članovima Vijeća, advokatima i tužiocu Milanu Petroviću obratio se i sam osuđeni Jurišić. On je u emotivnom govoru potencirao tezu da je tragičar jednog vremena i stanja.

- Svako ko ima oči i uši može se uvjeriti u moju nevinost. Nisam zapovijedao, pucao, ubijao, silovao ili klaio, poručio je Jurišić moleći sud da se drži istine i pravde.

slobodu. Prilikom odlučivanja o srbijanskom zahtjevu za izručenje Ganića, iz Beograda je u London dostavljeno pismo potpisano od tužioca za ratne zločine Vladimira Vukčevića i ministrice pravde Snežane Malović.

Pomenuti dvojac je jučer vijeću Apelacionog suda dostavio pismo u kojem se navodi da "postoji sporazum između BiH i Jugoslavije o mirnom povlačenju snaga JNA iz BiH, no da je uništen tokom NATO-ovog bombardovanja Srbije, prije jedanaest godina"?!
- Na osnovu svega realno je očekivati oslobađajuću presudu Iliji Jurišiću. Sve na to upućuje i mi smo veliki optimisti, posebno advokati, zaključuje i ujedno se nada Sinan Alić, koji je u protekle tri godine pratio sva ročišta održana u Beogradu.

Slabo sjećanje

Advokati su upitali kako je moguće da ne postoji kopija tog međudržavnog sporazuma, no odgovora sa druge strane, koju je jučer predstavljao tužilac Petrović, nije bilo. Također, Petrović nije znao objasniti koje su ostale tačke tog sporazuma i kako da se sjeća tek jedne - one o mirnom povlačenju snaga JNA.

Almir ŠEČKANOVIĆ

Evropski komesar za proširenje doputovao u Sarajevo

Srbiji

Štefan Fule je doputovao u Bosnu i Hercegovinu. Razgovarao je sa predstavnicima političkih partija koje su dobile najveći broj glasova na trećeoktobarskim izborima. Ponovio je da se političari moraju dogovoriti i krenuti u reforme, opetujući kako Bruxelles neće to raditi za nas. Zašto?

6. oktobra, dan prije nego što će doputovati u Bosnu i Hercegovinu, komesar za proširenje Evropske unije Štefan Fule dao je svoj iskaz pred Komisijom za evropska pitanja holandskog parlamenta o pitanjima proširenja, s osvrtom na Srbiju. Holandija je, podsjetimo, jedina država koja je sa zadržkom dala zeleno svjetlo Srbiji za dalji euroatlantski put našeg istočnog susjeda - konkretno, za status zemlje kandidata - dok se pitanje Ratka Mladića ne riješi. S tim u vezi, predstavnici vlade Holandije su tražili da prije popuštanja Srbiji u vezi sa Mladićem organiziraju debatu u parlamentu. Pred Komisijom za evropska pitanja dosad su, pored Fulea, govorili i glavni tužitelj Haškog tribunala Serge Brammertz, irski analitičar i 15-godišnji stanovnik Balkana Garret Tankosic Kelly, dok će narednog utorka izjavu dati Čedomir Radojković, a očekuje se tokom oktobra i izjava irskog ministra vanjskih poslova Michéala Martin.

napore da BiH ne bi više zaostajala za susjedima, koji napreduju prema EU. On je potcrtao da je EU spremna ojačati svoju ulogu u BiH, ali "da domaći političari moraju učiniti prvi korak ka efikasnoj i funkcionalnoj državi koja će govoriti jednim glasom".
- To će nam dopustiti da uspostavimo okvir pristupa EU za korake dva i tri. Danas ne dolazimo s bilo kakvim rješenjem koje želimo nametnuti političkim strankama, na njima je da nađu rješenje, ustvrdio je.

Funkcionalna država

Vratit ćemo se Holandiji, Hagu, Mladiću i Srbiji, jer nas to, valjda, još životno interesira, ovdje se pozabavimo dnevnim aktuelnostima, itinererom komesara za proširenje i njegovim sastancima s predstavnicima političkih partija. Fule je na jučerašnjoj konferenciji za novinare kazao bh. političkim lide-

rima kako trebaju osigurati da evropski put BiH bude prioritet njihovog rada bez obzira na to kakve koalicije napravili i programe usaglasili.

Razgovore s političkim liderima je ocijenio konstruktivnim te im kazao da moraju udvostručiti

Memorandum

Evropski komesar je potpisao s ministrom finansija i trezora BiH Draganom Vrankićem Memorandum o mikrofinansijskoj pomoći EU za BiH od 100 miliona eura, te naglasio kako je taj sporazum, kao i odluka Evropskog parlamenta o viznoj liberalizaciji za BiH, "najbolji pokazatelj odlučnosti EU da pomogne BiH na njenom evropskom putu".

Naglasio je da EU želi vidjeti postepeni proces koji će u potpunosti biti temeljen na lokalnom vlasništvu nad tim procesom.

- Jasno smo stavili do znanja da će prvi korak putem kojeg ćemo moći uspostaviti okvir za pristup EU biti od koristi entitetima kada se budu suočavali s budućim ustavnim izazovima potrebnim da bi se implementirali koraci dva i tri - kazao je Fule, koji je potvrdio spremnost evropskih institucija da pomognu BiH na ovom planu, a objasnio je i da EU ne želi da BiH bude bilo kakva vrsta međunarodnog protektorata, već u budućnosti članica EU.

Što se tiče bh. lidera, oni su Fuleov poziv za evropskim putem shvatili na različite načine. Lider SNSD-a Milorad Dodik kazao je kako mu je žao što nema Harisa Silajdžića koji bi mu "bio upotrebljiv", dodavši kako vlast na državnom nivou neće biti formirana prije februara, da neće odustati od podjele državne imovine, ukidanja Ureda visokog predstavnika te Suda i Tužilaštva BiH. Bakir Izetbegović i Sulejman Tihić, esdeavski tandem, od Socijaldemokratske partije BiH i SNSD-a, kao najjačih stranaka nakon trećeoktobarskih izvora, traži da preuzmu odgovornost. Tihić je kazao i kako naredni mandatar državne Vlade ne mora obavezno biti Hrvat, ali da SDP i SNSD trebaju voditi računa i o tome, te dodao kako je spreman surađivati sa HDZ-om BiH

V I J E S T I

BiH - Švedska



Sporazum o razvojnoj saradnji

Ministar vanjskih poslova BiH Sven Alkalaj i ambasador Švedske Bosse Hedberg potpisali su jučer sporazum o razvojnoj saradnji za provedbu nove švedske razvojne strategije za BiH u periodu 2011-2014. godine. Alkalaj je naveo je da će pomoć, koja će biti implementirana putem Švedske agencije za međunarodni razvoj, biti usmjerena na tri osnovna područja: demokratiju, ljudska prava i ravnopravnost spolova, zatim razvoj ekonomskog tržišta i općinsku infrastrukturu za zaštitu okoliša. Ovim sporazumom planirana je pomoć od oko 73 miliona eura ili oko 18 miliona eura godišnje.

Sadik Ahmetović



Dobar posao Ministarstva

Zamjenik predsjedavajućeg Vijeća ministara i ministar sigurnosti BiH Sadik Ahmetović naglasio je jučer da je odluka Evropskog parlamenta o ukidanju viznog režima za našu državu očekivan ishod rada koje je ovo ministarstvo poduzelo u posljednju godinu. Kao jednu od najbitnijih karika koje su dovele do konačne pozitivne odluke izdvojio je usvajanje Zakona o sprečavanju pranja novca i finansiranja terorističkih aktivnosti. Ahmetović, koji je jučer boravio u službenoj posjeti Tirani, vjeruje da je do ove odluke moglo doći i ranije da je postojao kompromis svih partija koje učestvuju u vlasti.

mrkva, štap za BiH



Foto: B. ČUMUROVIĆ

Štefan Fule: Traži se prvi korak

i Draganom Čovićem, ali ne pristaje na "hrvatski stolni grad Mostar". Čović, pak, nije prisustvovao sastanku, nego njegovi saradnici Borjana Krišto i Niko Lozančić, koji su okupljenim novinarima kazali kako bez njih nema ni vlasti u BiH. Lider SDP-a Zlatko Lagumdžija je kazao kako s procesom ustavnih reformi treba krenuti odmah, ali da će biti problema s onim političkim partijama koje žele taj proces zaustaviti. Lagumdžija je kazao kako će SDP vrlo brzo krenuti u formiranje vlasti na federalnom nivou, ali i u kantonima, te da neće pristati na "trulu koaliciju na državnom nivou".

Vratimo se sada Fuleu, koji, kako smo vidjeli, nije rekao ništa novo: da EU svakako neće nametati rješenja

(otkud tolika potreba da se taj aksiom opetuje?), da BiH mora progovoriti jednim glasom - ukoliko ne želimo da i dalje zaostajemo za svojim susjedima. Da li je Fule mislio i na Srbiju, nismo uspjeli saznati iz prve ruke, ali čitajući komesarovo izvješće holandskim parlamentarcima, kao i način na koji su srbijanski mediji ispratili ovaj događaj, može se ruka u vatru staviti da je mislio i na progres Srbije, čijoj se kandidaturi raduje i za koju se zalagao pred Komisijom holandskog parlamenta.

Nova dinamika

Fule je izvještaj o Srbiji počeo tako što je podsjetio kako je Srbija upravo slavi deceniju petooktobarske revolucije, da Srbija već godinama ima lidere okrenute Evropi, da su Rezolucija o Srebrenici i prisustvo Borisa Tadića 11. jula 2010. u Srebrenici pokazali želju za suočavanjem s prošlošću. Fule je parlamentarcima spomenuo i da se bez hapšenja Hadžića i Mladića ne može govoriti o "ispunjenju pravde". Ipak, Fule se koncentrirao na pomak Srbije glede Kosova, naglasio da je otvoren put dijaloga Beograda i Prištine i da je to "prilika da se uspostavi nova dinamika između Srbije i EU".

Fule je dodao i da je Komisija potpuno posvećena da puna suradnja sa Međunarodnim sudom za ratne zločine (ICTY) bude ključni uvjet za integraciju Srbije u Evropsku uniju.

"Glavni tužitelj (Brammertz, op. F. B.) ne dovodi u pitanje želju srbijanskih vlasti. Njegova procjena ne opisuje savršenu situaciju, ali se ona popravlja, kako se popravljala i suradnja Srbije", kaže Fule i zaključuje: "Vi (holandski parlamentarci, op. F. B.) i ja dijelimo isti stav

Svjedočenje Kurta Bassuenera

Prije nepuni mjesec, pred zajedničkom Komisijom za evropska pitanja u irskom parlamentu, Kurt Bassuener iz Vijeća za političku demokratizaciju podsjetio je da je Bruxelles uvjetovao SSP sa Srbijom hapšenjem Mladića (i Hadžića), ali da je interpretacija Brammertzovog izvještaja - a ne riječi glavnog tužitelja, pomogla da se ovaj proces odmrzne i Srbiji da zeleno svjetlo, a parlamentima članica Evropske unije Sporazum pošalje na ratifikacije.

"Poruka Srbiji (i drugim državama u regionu) je ta da su uvjeti fleksibilni i zavise od dnevnih pitanja. To nije prvi put da EU poništava svoj uvjet kako bi ubrzao i generirao 'momentum' u Srbiji u korist težnji ka EU. Sveukupna politička poruka je da Srbija ne mora da se napreže kako bi se kretala naprijed. I to, naravno, olakšava život predsjedniku Tadiću. Zašto bi neko uradio nešto što će ga politički koštati kada će sve što mu treba dobiti besplatno", kazao je Bassuener, koji je uvjeren sam da Srbija može izručiti ove ljude Haagu kako bi im se sudilo, ukoliko bi to Beogradu donijelo nešto.

"I nisam usamljen u ovim uvjerenjima", kazao je Bassuener, pitajući se sa govornice parlamenta u Dublinu: "Ukoliko Srbija ne može dozvati volju da uhapsi čovjeka osumnjičenog - pored ostalih horora - za naređenje i operacionalizaciju ubistava osam hiljada muškaraca i dječaka u Srebrenici, da li je to član kojeg želite u klubu? Ukoliko je to, pak, pitanje sposobnosti Srbije (da uhapsi Mladića, op. F. B.), onda to ne govori dobro o demokratskoj transformaciji i kontroli vlastitih sigurnosnih snaga u Srbiji."

glede uvjeta evropske integracije Srbije i kao moralnu obavezu i kao put da se osigura odlučna potpora traženju dvojice bjegunaca", kaže Fule, dodajući kako se s tim mora nastaviti snažno i efikasno, ali se također mora biti spremno i nagraditi napredak Srbije.

Tadić i SNSD

"Sačuvajte ključ za otključavanje ratifikacije Sporazuma o stabilizaciji i pridruživanju, čak i ako Vijeće odluči da produži proces za naredni juni, tako ćete zadržati kontrolu na putu i nastavku evropskih integracija Srbije. Kako sam spomenuo i ranije, Vijeće je konsenzusom odlučilo u više od stotinu puta dosad prije nego što je željena država zaista i postala članica EU. Ovo nas stavlja

u perspektive odluke koja treba biti donesena 25. oktobra", kazao je Fule holandskim parlamentarcima, očekujući od njih da nagrade Srbiju za saradnju glede Kosova.

Iako je spomenuo dobru volju Srbije glede Kosova koju treba nagraditi, Fule, ipak, nije spominjao evropske manire i standarde Borisa Tadića, predsjednika Srbije, koji se aktivno uključio u stranačku predizbornoj kampanji u Milorada Dodika, zbog kojih je na jednom nezavisnom portalu u Srbiji zaradio nadimak "član SNSD-a". Fule nije spomenuo ni to da je ministar vanjskih poslova Srbije Vuk Jeremić na koncertu Svetlane Cece Ražnatović Arkan i premijerom Dodikom zajedno plesao na banjalučkoj predizbornoj bini. Nije Fule spominjao ni

kontinuirano negiranje genocida u Srebrenici, a i šire, niti pozive na secesiju.

Ako već nije htio ulaziti u unutrašnje stvari, ili one zasnovane na specijalnim vezama jedne države i jednog entiteta, Fule je mogao uzeti u obzir pismo koje je njemu, Catherine Ashton i drugim visokim dužnosnicima EU uputio Human Rights Watch Evropske unije stacioniran u Bruxellesu koji je zabrinut nagradom Srbiji dok je Mladić na slobodi: "...Na koncu, takva odluka se ne može donijeti bez daljih konsultacija sa tužiteljstvom ICTY-a".

A Brammertz je jasno kazao kako su "uslovljavanje i pritisak" glavne poluge za hapšenje osumnjičenih za ratne zločine, "posebno Ratka Mladića".

Govoreći pred istom komisijom za evropska pitanja kao i Fule, Brammertz je kazao kako su Mladić i Goran Hadžić nadohvat srbijanskih vlasti, kako postoji politička volja da se oni uhapse, ali da postoje prepreke na operativnom nivou gdje optuženi imaju "mrežu pomagača".

Na upit da li je suradnja Srbije sa dovoljna za dalje korake u integraciji u Evropsku uniju, glavni tužitelj Haškog tribunala je odgovorio kako "on ne donosi političke odluke, nego iznosi zaključke na osnovu kojih vlade mogu odlučiti".

Drugim riječima, dok se Bosni i Hercegovini ostavlja da Milorad Dodik otvoreno poziva na secesionizam, uništava kredibilitet OHR-a, dotle se Srbiji "zarad viših ciljeva" gleda kroz prste i ruku i nogu?

"Hoćete reći da u Bruxellesu postoje dupli standardi", pitala je ovog novinara nedavno predstavnicu jedne evropske diplomacije.

"Nipošto", rekoh.

Faruk BORIĆ

Brifing u MVP-u



Gradani BiH za NATO

Zamjenica ministra vanjskih poslova Bosne i Hercegovine i predsjednica NATO-ovog koordinacionog tima Vijeća ministara BiH Ana Trišić-Babić i ministar odbrane BiH Selmo Cikotić jučer su u MVP-u održali brifing za ambasadore i vojne atašee zemalja članica NATO-a u BiH.

Tema sastanka je bila napredak BiH u integracionom procesu NATO-a - aktuelni status i budući koraci. Trišić-Babić je informirala ambasadore i vojne atašee da istraživanja javnog mnijenja pokazuju da građani BiH podržavaju integraciju BiH u NATO, a da se raspoloženje u RS-u prema NATO-u popravlja.

Moore - Bair



Pomoć mirnom okruženju u BiH

Ambasador Roderick W. Moore, novoimenovani prvi zamjenik visokog predstavnika i supervizor za Brčko, susreo se jučer s komandantom EUFOR-a general-majorom Bernhardom Bairom. Razgovarali su o ukupnoj sigurnosnoj situaciji i general je informirao Moorea o aktivnostima EUFOR-a na obezbjeđenju sigurnog i stabilnog okruženja u BiH i osposobljavanju i obučavanju pripadnika OSBiH, saopćeno je iz EUFOR-a. Bair je prenio Mooreu i njegovim saradnicima uvjerenje da EUFOR zajedno s međunarodnom zajednicom, pomaže da BiH postane mirna i održiva demokratska zemlja.

Kosor - Čović



Puna potpora Hrvatske BiH

Predsjednik HDZ-a BiH Dragan Čović razgovarao je u Zagrebu s predsjednicom HDZ-a Hrvatske Jadrankom Kosor. Kosor je ponovila punu potporu Hrvatske BiH kao jedinstvenoj državi tri konstitutivna i jednako prava naroda. Pritom je naglasila kako BiH ima pravo na svoju euroatlantsku perspektivu. U tom smislu istaknuto je kako će suradnja HDZ-a Hrvatske i HDZ-a BiH značajno pridonijeti ostvarivanju te perspektive, kao i daljnja primjena sporazuma o suradnji dva HDZ-a. Istaknuto je da će se HDZBiH zauzeti za potpunu ustavnu jedinstvenost hrvatskog naroda u BiH.

Igor Crnadak



Radmanović još nije pobjednik

Član IO PDP-a Igor Crnadak ponovio je jučer da veliki broj nevažećih glasačkih listića za izbor srpskog člana Predsjedništva BiH govori da "izbori nisu bili regularni", te očekuje da će CIK provjeriti glasove za taj nivo vlasti. Pozvao se na podatke CIK-a od jučer ujutro po kojima je razlika u glasovima između kandidata SNSD-a Radmanovića i koalicije Zajedno za Srpsku Ivančića i nešto veća oko 11.000 glasova, a ukupan broj nevažećih glasačkih listića je prešao 60.000. I Radmanović je, tvrdi Crnadak, svjestan da priča o izboru člana Predsjedništva BiH iz RS-a nije završena i da "on još nije pobjednik".